

ՀՀ Արմավիրի մարզի Գայ գյուղական համայնքի
ղեկավարի 2012 թ.-ի ընթացքում կատարած
աշխատանքների վերաբերյալ

Հարգելի համագյուղացիներ, համայնքի ավագանու հարգարժան անդամներ, հյուրեր: Այսօր ցանկանում եմ ձեր ուշադրությանը և քննարկմանը ներկայացնել հաշվետվություն՝ համայնքի ղեկավարի և ավագանու կողմից 2012 թվականի ընթացքում կատարած աշխատանքների վերաբերյալ:

1. Քաղաքացիների իրավունքների պաշտպանության բնագավառում.

Կատարվել է համայնքի տնտեսությունների գրքերի ուղղում և համայնքի բնակիչների հաշվառում: Բնակչության ընդհանուր թիվը կազմում է 3456 մարդ, որից 387 եզդիներ:

Հաշվետու տարում համայնքում գրանցվել է 39 ծնունդ և 27 մահ:

Գումարվել է ավագանու 13 նիստ, որի ընթացքում լսվել են բազմաթիվ հարցեր և ընդունվել են ավագանու համապատասխան որոշումներ: Իրականացվել է քաղաքացիների ընդունելություն, քննության է առնվել 130 դիմում, որոնց տրվել է համապատասխան ընթացք:

Սուտք է արվել 160 գրություն, որոնք քննարկվել են, տրվել է ընթացք և պատասխանը ուղարկվել հասցեատերերին:

Համայնքի հիմնախնդիրների լուծման համար տարբեր ուժային կառույցներից գրվել է 161 գրություն:

Բնակչությանը տրամադրվել է 995 տեղեկանք: Ընդունվել են համայնքի ղեկավարի 87 որոշում և արձակվել 24 կարգադրություն:



2. Ֆինանսների բնագավառում.

Կազմվել և ավագանու հաստատմանն է ներկայացվել համայնքի բյուջեի նախագիծը, ավագանու որոշումներով բյուջեում կատարվել են փոփոխություններ:

Կազմակերպվում և գանձվում են գույքահարկը և հողի հարկը:

Հողի հարկը՝ 9959.0 հազար դրամի տարեկան ծրագրի դիմաց գանձվել է մոտ 10256.8 հազար դրամ, կամ կատարվել է 103.1%:

Գույքահարկը՝ 3400.0 հազար դրամի տարեկան ծրագրի դիմաց գանձվել է 3594.3 հազար դրամ, կամ կատարվել է 105.7%:

3. Հասարակական կարգի պահպանության բնագավառում.

Ոստիկանության տեղամասային տեսուչի աջակցությամբ աշխատանքներ են տարվում հասարակական կարգի պաշտպանության բնագավառում: Համայնքում գրանցվել է իրավախախտման մեկ դեպք:

4. Պաշտպանության բնագավառում.

Աջակցություն է ցուցաբերվել զինակոչին, պարտադիր զինվորական ծառայությունից վերադարձածները պահանջվող կարգի համաձայն վերցվել են հաշվառման:

Աջակցել ենք զինվորական հաշվառումից և զորակոչից խուսափողների որոնման, հայտնաբերման աշխատանքներին:

Դրամական սոց. օգնություն է ցուցաբերվել Հայրենական Մեծ պատերազմի վետերաններին, Արցախյան ազատամարտում զոհվածների ընտանիքներին և վիրավոր ազատամարտիկներին:

Հաղթանակի օրվա կապակցությամբ կազմակերպվել է միջոցառում, կատարվել է ավտոդպրոցում սովորող զինակոչիկների ճանապարհածախսի փոխհատուցում:

5. Քաղաքաշինության և կոմունալ տնտեսության բնագավառում

Կառուցապատողներին սահմանված կարգով տրվել է շինարարության թույլտվություն, արգելվել է ապօրինի շինարարությունը: Կատարվել են փողոցների բարելավման աշխատանքներ, նոր գերեզմանատան հարող

ճանապարհների հարթեցում և խճապատում, մշակույթի տան տանիքի կապիտալ վերանորոգում, նոր գերեզմանատանը տեղադրվել է հանգստյան քար:

6. Հող օգտագործման բնագավառում.

Հողային հաշվեկշիռը կազմելու համար կատարվել է հողերի ընթացիկ հաշվառում և ներկայացվել կադաստրի տարածքային ստորաբաժանում:

Իրականացվել են համայնքի վարչական սահմաններում գտնվող հողամասերի աճուրդ վաճառք և վարձակալության տրամադրում:

Կատարվել է ցանքի ընթացիկ հաշվառում և ներկայացվել է տարածքային վիճակագրական վարչություն:

Համայնքում ապօրինի հողօգտագործողներ չկան: Տարվում են աշխատանքներ հողերի կատեգորիաների ճշտման ուղղությամբ:

Հողամասերը կրծողներից վնասագերծելու համար, գյուղացիներին անվճար տրվել է թունաքիմիկատ:

7. Տրանսպորտի բնագավառում

Տեղադրվել են ավտոկանգառ - տաղավարներ և կատարվել է լուսավորության հենասյունների հիմնավերանորոգում:

8. Առևտրի և սպասարկման բնագավառում.

Համայնքում գործում են 7 խառն ապրանքների վաճառքի խանութներ, 1 սուպերմարկետ, 2 դեղատուն, 1 թունաքիմիկատների խանութ:

Հաճախակի ստուգումներ է անցկացվում առևտրի օբյեկտներում և խախտման դեպքեր չեն արձանագրվել:

9. Կրթության և մշակույթի բնագավառում.

Համայնքը ունի բարեկարգ դպրոց, որտեղ ընդգրկված են 514 աշակերտներ և 45 աշխատողներ: Գյուղապետարանը դպրոցում անցկացվող միջոցառումներին իր մասնակցությունն ու աջակցությունն է ցուցաբերում: Գյուղապետարանի աջակցությամբ գործում է նախակրթարան՝ երկու դասարանով:

Գյուղն ունի նախադպրոցական տարիքի 266 երեխաներ, սակայն չունի մանկապարտեզ, որը խիստ անհրաժեշտություն է:

Մշակույթի տունը վթարային վիճակում էր, այս տարի հիմնովին վերակառուցվել է մշակույթի տան տանիքը:

Եվ մանկապարտեզի շենքի կառուցումը, և մշակույթի տան հիմնավերանորոգումը հնարավոր չէ իրականացնել համայնքի բյուջեի հաշվին:

Համայնքում գործում է «Արվեստի դպրոց» ՀՈԱԿ-ը, որը ևս ունի վերանորոգման կարիք:

Համայնքի գրադարանից օգտվում են համայնքի շուրջ 320 ընթերցող:

Համայնքը աջակցություն է ցուցաբերում նաև համայնքում գործող Սուրբ Նշան եկեղեցուն: Ամեն տարի օգոստոս ամսին համայնքը գյուղում կազմարերպում է մեծ միջոցառում նվիրված՝ «Սուրբ Նշան» եկեղեցու տոնին:

10. Առողջապահության և ֆիզիկական կուլտուրայի բնագավառում

Համայնքում գործում է «Առողջության կենտրոն» ՍՊԸ-ն, որին ցուցաբերվում է աջակցություն՝ ուղղված համայնքի սանիտարական վիճակի բարելավմանը, համաճարակային հիվանդությունների կանխարգելմանը:

Համայնքում գործում է ֆուտբոլային խմբակ, որի մարզիչը վարձատրվում է համայնքի բյուջեից:

11. Աշխատանքի և սոցիալական ծառայության բնագավառում.

Համայնքում կան 427 տարիքային թոշակառուներ և 35 նպաստառու ընտանիք:

Համայնքի սոցիալապես անապահով ընտանիքներին գյուղապետարանի բյուջեից ցուցաբերվել է 2440.0 դրամի օգնություն:

12. Գյուղատնտեսության բնագավառում.

Կատարվել է անասունների հաշվառում և ներկայացվել վիճակագրական վարչություն:

Համայնքում կազմակերպվել են հանդիպումներ բնակչության հետ, որտեղ արծացվել են մշակաբույսերի տարածված հիվանդությունների և ժամանակակից բուժման նոր մեթոդների լուսաբանման հետ կապված հարցեր:

Գայ համայնքում բնակչությունը հիմնականում զբաղվում է տնամերձ հողամասերի վրա կառուցված ջերմոցներում բանջարեղենի մշակությամբ:

Սեփականաշնորհված հողատարածքները հիմնականում չեն մշակվում, ոռոգման ջրի բացակայության պատճառով:

Համայնքում առկա հիմնախնդիրները՝

1. Մշակույթի տան վերանորոգումը
2. մանկապարտեզի շենքի կառուցում
3. հողերի կարգերի ճշտում
4. Գայ համայնքը էջմիածին քաղաքին և մարզկենտրոնին կապող ճանապարհի 487 մ-ի ասֆալտապատում
5. համայնքում առկա է խմելու ջրի սակավության խնդիրը
6. «Արվեստի դպրոց» ՀՈԱԿ-ի հիմնավերանորոգում:
7. Համայնքի և ազգաբնակչության սեփականություն հանդիսացող 350 հա հողատարածքը հարևան Հայկաշեն համայնքին հատկացնելու վերաբերյալ:
Համայնքում առկա այս հիմնախնդիրները հնարավոր չէ իրականացնել միայն գյուղապետարանի բյուջեի հաշվին:

Հուսով ենք, որ ՀՀ կառավարությունը և Արմավիրի մարզպետարանը կաջակցեն մեզ այս հարցում:

Գայի գյուղական համայնքի ղեկավար՝



Ս. Մարկոսյան